



Årsmelding 2015

Stiftinga Gloppen Frivilligsentral

1. Innleiing.

Stiftinga Gloppen Frivilligsentral har vore i drift sidan oktober 1991. Fram til januar 2016 var nam net Stiftinga Frivillegsentralen i Gloppen.

Frivilligsentralen er i godt samarbeid med private, med det offentlege og med lag og organisasjonar. Tenesteyting/-formidling er i tråd med gjeldande retningslinjer, og vi legg vekt på å oppretthalde etablerte aktivitetar og å opprette nye.

Dette året har Gloppen Frivilligsentral hatt prosjektarbeid i samarbeid med Gloppen kommune.

2. Tilsette.

Gloppen Frivilligsentral har 100% stilling for dagleg leiar.

Elfrid Rauset Håheim og Synnøve Grane Skaaden har vore tilsette i 50% stilling kvar.

Elfrid R. H. vart tilsett frå 1. februar.

3. Styret.

Stiftinga Gloppen Frivilligsentral hadde årsmøte 18. mars 2015.

Styret dette året har vore:

Styreleiar:	Hildegunn Tviberg
Nestleiar:	Leidulf Gloppestad
Styremedlemer:	Leif Rygg
	Kari Jordanger
	Kristoffer N. Rygg

Varmedlemer:	1. Else Tystad
	2. Gunnvor Sunde

Varmedl. for Leidulf Gloppestad:	Liss Bergum
-------------------------------------	-------------

Valnemnd:	Anne Marie Fløtre
	Johan Moldestad
	Kjell Helgheim

Gloppen kommune sin representant er Leidulf Gloppestad, valt for kommunestyreperioden 2012/2016.

Stiftinga Gloppen Frivilligsentral hadde i 2015 fem styremøte, og handsama 32 saker.

4. Økonomi.

Statstilskotet for 2015 var kr. 310.000,-.

Tilskot frå Gloppen kommune var kr. 247.000,-.

Statstilskot for 2016 vert kr. 310.000,-.

Tilskot frå Gloppen kommune for 2016 vert kr. 254.000,- .

BDO A/S v/ Rune Akse er Stiftinga Gloppen Frivilligsentral sin revisor.

Rekneskap vert utført av ACCOUNTOR REKNESKAPSKONTORET GLOPPEN AS.

5. Aktivitet

- **Seniornett.**

Seniornettklubben er ein møteplass der medlemene skal dele sin datakunnskap med andre. Det er også ein arena for sosialt fellesskap. I tillegg til medlemene sine egne bidrag, blir det gitt opplæring i ulike tema. Klubben har dyktige instruktørar som er fast med på samlingane.

Seniornett Gloppen har hatt treff på Frivilligsentralen kvar veke haust/vinter/vår. Klubben er tilslutta Seniornett Norge.

Det vart i løpet av hausten behov for større lokale og betre nettkapasitet enn det Frivilligsentralen kunne tilby. Seniornettklubben har orientert seg mot andre lokalitetar, men frivilligsentralen skal framleis vere med og koordinere og utvikle aktiviteten.

- **Utkøyring av middag** er framleis den største aktiviteten når det gjeld tidsbruk. Vi har mottakarar i tre distrikt: Breim, nord- og sørsida av Gloppefjorden. Arbeidet blir utført kvar dag heile året, og tre sjåførar er engasjert kvar dag. Velvillige og hjelpsame sjåførar held tilbodet i gang. Det har vore god tilgang på sjåførar, og fleire nye har meldt interesse.

- **Følgeteneste** til kontroll på sjukehus, til tannlege, lege.

Vi har eit ”team” damer som har teke på seg denne oppgåva. Privatpersonar, pårørande og omsorgstenesta tek kontakt med Frivilligsentralen for å nytte dette tilbodet. Dette er ei teneste det viser seg å vere stort behov for, og vi vil arbeide for å verve fleire følgjarar.

- **Strikkekveldar**, i samarbeid med Gloppen Røde Kors omsorg, er eit tilbod til innvandrar- og bygdekvinner. Samlingane er på Frivilligsentralen to gonger pr. mnd.

Oppslutnaden har variert, var dalande utover våren, og tok seg opp igjen i hausthalvåret. Frivilligsentralen, Røde Kors Omsorg, Gloppen Opplæringscenter og NAV hadde drøftingsmøte om korleis vi på best måte kunne innlemme innvandrarkvinner i dette tilbodet.

- **Besøk** til einsame eldre.
Nokre frivillige har gjennom Frivilligsentralen faste besøksavtalar med eldre i og utanfor institusjon.
- **Praktisk hjelp**, eingongstenester, t.d. snømåking og lettare hagearbeid. Dette ordnar vi ved behov, men blir for tida ikkje mykje etterspurt.
Ved eitt høve har vi formidla oppdrag vidare til elevbedrift ved Gloppen Ungdomsskule.
- **Sosialt samvær** på kafèen på omsorgssenteret søndagar haust/vinter/vår.
Ulike lag og organisasjonar arrangerer søndagskafè, der dei syter for underhaldning og kaffi/mat. Frivilligsentralen samordnar, reserverer lokalet og hjelper med kunngjering.
- **Nattevandring på Sandane.** Nattevandring har eige styre, med representantar frå Gloppen kommune, Røde Kors, foreldre ved Gloppen ungdomsskule og Frivilligsentralen. Frivilligsentralen er leigd til å organisere Nattevandringa i Sandane sentrum.
- **Rusfritt 16. mai arrangement.**
I samarbeid med lag og organisasjonar i Gloppen arrangerer Frivilligsentralen rusfri 16. mai natt. Samlingsstaden har siste åra vore i Kulturhuset Trivselshagen, med mat, kino og quiz. Arrangementet er for ungdom frå 9. klasse til 19 år. Dette tilbodet hadde god oppslutnad også i 2015.
- **Frivilligdagen 5. desember.**
Dette er ein dag vi har årelang tradisjon for å markere. Dei frivillige vart inviterte til kaffi og kaker på Frivilligsentralen torsdag 3. desember, og mange møtte opp.
Vi hadde eit liknande arrangement i april. Dette var ein fin måte å verte kjent med den nyttilsette på sentralen.

6. Prosjekt

- Frivilligsentralen fekk invitasjon frå Gloppen kommune v/helse og omsorgssjef, til å vere med i prosjekt «Aktivitet seniorar og eldre». Kommunen fekk tildelt kr 376 000,- i prosjektmidlar frå Helsedirektoratet og av desse fekk Frivilligsentralen kr 19 500,- til deltaking i prosjektet. Prosjektet er leia av Margot Andenes. Prosjektet skal arbeide for å få til nye organiserte og faste møtepunkt for eldre som bidreg til å skape aktivitet og sosialt fellesskap. Målet er å engasjere og rekruttere eldre, «ny-pensjonistar» og andre, og skape eit fellesskap som er av interesse for eldre og seniorar.

Prosjektet kom godt i gang i 2015 og Frivilligsentralen ser stor verdi av å arbeide saman med kommune, frivillige, lag og organisasjonar i dette prosjektet.

7. Informasjon

- Vi sender årsmelding til alle som støttar sentralen og til stiftarane.
- Turnuslister og informasjon til middagssjåførar og nattevandrarar.
- Lokalavisa Firda Tidend har vore nytta som informasjonskanal, med annonser, pressemeldingar og presentasjon av aktivitetar.
- Har oppretta heimeside og Facebokside, og har prioritert å halde desse oppdaterte.
- Det blir gitt informasjon til dei som tek kontakt med Frivilligsentralen pr. telefon, via e-post, eller ved besøk på kontoret.

8. Samarbeid.

Frivilligsentralen har hatt samarbeid med mellom andre:

- pleie- og omsorgstenesta, helse- og omsorgssjef
- avdelingsleiarar ved omsorgssenteret og andre bueiningar
- kjøkkenet ved omsorgssenteret
- fritidsleiar i Gloppen kommune
- enkeltpersonar
- Røde Kors omsorg
- andre lag/organisasjonar
- gruppa av frivilligsentralar i Nordfjord og Jølster og andre frivilligsentralar
- HLF Gloppen, Hørselshemmedes landsforbund
- Elevbedrifta Crew Eldrehjelpa ved Gloppen ungdomsskule
- dagleg leiar har delteke på 2 to-dagars nettverkssamlingar saman med dei andre frivilligsentralane i fylket, i april på Skei og i november på Sandane.
- I september deltok begge dei tilsette og ein frå styret på den årlege Regionkonferansen, som i 2015 var i Balestrand.

9. Rapportering.

Det vert rapportert til Kulturdepartementet. Dette skjer i samband med søknad om statleg tilskot.

10. Tenesteyting og dekking av utgifter.

Dei frivillige som køyrer middag får km-godtgjersle med kr. 5,10 pr. km (kr. 4,10 + kr. 1,00). Andre som har utgifter i samband med tenesteyting, t.d. køyring til besøk eller oppdrag, utgifter til mat og billetter i forbindelse med følge til sjukehus, skal i utgangspunktet få dette dekket av brukaren/oppdragsgjevaren.

11. Arbeidsmiljø.

Arbeidsmiljøet er godt.

Det har ikkje vore registrert ulykke- eller skadetilfelle for dei tilsette i 2015.

12. Ytre miljø.

Selskapet er ikkje av det slag som forureinar det ytre miljø.

13. Årsresultat.

Det framlagde rekneskapet for 2015 som viser eit overskot på kr. 4 171,- og balanserekneskap pr. 31.12.15, syner eit rett bilete av den økonomiske situasjonen ved årsskiftet og drifta for 2015.

14. Sluttord.

Det er dei frivillige og deira innsats som gjer Frivilligsentralen levedyktig. Dei gjer ein stor innsats på mange ulike område.

Gloppen Frivilligsentral si oppgåve er heile tida å engasjere fleire og ta vare på dei vi har knytta til oss, både enkeltpersonar og samarbeidande lag og organisasjonar. Vi må sikre at eksisterande aktivitetar kan halde fram, og skape nye tilbod.

Ei stor utfordring er å sikre økonomien, slik at Gloppen Frivilligsentral framleis har eit godt økonomisk grunnlag til vidare drift.

Sandane, 17. februar 2016

Hildegunn Tviberg
styreleiar

Kari Jordanger

Per Ståle Husevåg

Kristoffer N. Rygg

Leif Rygg

Elfrid Rauset Håheim
dagleg leiar

Synnøve Grane Skaaden
dagleg leiar